

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

ENPLEGU, MERKATARITZA ETA TURISMO SUSTAPENAREN ETA FORU ADMINISTRAZIOAREN SAILA

245/2018 Foru Agindua, apirilaren 11koa. Honen bidez, Arabako Foru Aldundiaren Administrazio Orokorreko lan poltsen araudia aldatzea

Arabako Foru Aldundiaren Administrazio Orokorrean lan poltsen arloan indarrean dagoen araudia maiatzaren 15eko 175/2015 Foru Aginduan jasotzen da.

2016ko enplegu eskaintza ebazpen aldiari dagoelarik, beharrezkoa da araudi horren eguneratzearekin loturiko zenbait puntu kontuan hartzea.

Lehenengo, lehenengo ordenaren denbora irizpideak, 2007ko enplegu eskaintza hartzen baitzuen erreferentzia, 2016ko enplegu eskaintzatik abiatu behar du.

Bigarrenik, beharrezkoa da lan poltsetan berdinketa desegiteko irizpide gehigarriren bat sartzea, zeren eta oraingo araudian daudenekin berdinketa gerta bailiteke. Alde horretatik, berdinketa desegiteko seigarren irizpide gisa, lehenengo ariketako erantzun egokien kopuru handiena eransten zaie lehendik daudenei.

Hirugarrenik, aldatu behar da oraingo araudiaren 10. artikulua, Arabako Foru Aldundiaren iragarki taulan argitaratzea kenduz, argitaratze horrek, baliabide telematikoen erabilerearengatik, bere jatorrizko arrazoa galdu baitu, eta orobat enplegu atarira sartzeko webgunea eguneratzen da.

Diputatu Nagusiaren uztailaren 3ko 132/2015 Foru Dekretuaren bidez, Foru Aldundiaren sailak zehaztu ziren. Beste alde batetik, uztailaren 30eko Diputatuen Kontseiluaren 154/1993 Foru Dekretuaren bidez, funtzio publikoaren arloko eskumenak ezarri ziren, eta otsailaren 9ko 10/2016 Foru Dekretuaren bidez, funtzio publikoaren gaietan eskumena duen sailaren egitura organikoa eta funtzionala onartu zen. Horietan guztietan ezarritakoarekin bat etorritik, honako hau

XEDATZEN DUT

Lehenengoa. Maiatzaren 15eko 175/2015 Foru Arauan, zeinak Arabako Foru Aldundiko lan poltsak arautzen dituen, eranskinetako bosgarren artikulua aldatzea. Honela geratzen da idatzita:

“Bosgarren artikulua. Lan poltsen lehenengo ordena

Ondoko lehenengo ordena hau finkatu da:

1). Arabako Foru Aldundiaren Administrazio Orokorraren esparruan 2016tik aurrera onartutako enplegu publikoaren eskaintzetako aukeratze prozesuetan sortutako lan poltsak, berriagoi zaharragoen gainetik lehenengo ordena emanaz. Lan poltsa horietatik deiak egiteko, ondoko hurrenkera honi jarraituko zaio:

a) Oposizio aldiari nahitaezko ariketa kanporatzaile guztiak gainditu dituzten eta lanposturik lortu ez duten izangaiak. Hurrenkera lortutako puntuazio osoaren arabera ezarriko da, lehiaketa aldia barne dela.

b) Nahitaezko ariketa kanporatzaile gehien gainditu dituzten izangaiak, gainditutako ariketa horietan guztira lortutako puntuazioaren hurrenkera jarraituz, nahitaezko ariketa kanporatzaileetatik lehenengoa bakarrik gainditu dutenen zerrenda bukatu arte.

2). Arabako Foru Aldundiaren Administrazio Orokorraren 2007rako enplegu publikoaren eskaintzako aukeratze prozesuetatik sortutako lan poltsak.

3). Arabako Foru Aldundiaren Administrazio Orokorraren esparruan 2007rako enplegu publikoaren eskaintzaz geroztik lan poltsak eratzeko egin diren deialdi espezifikoetatik sortutakoak, berriagoei zaharragoen gainetik lehentasuna emanez.

4). Beste lan poltsak, seigarren artikuluan xedatutakoaren arabera.

2001eko enplegu publikoaren eskaintza baino lehenagoko lan poltsa guztiak baliorik gabeak izango dira.

Bigarrena. Maiatzaren 15eko 175/2015 Foru Arauan, zeinak Arabako Foru Aldundiko lan poltsak arautzen dituen, eranskineko seigarren artikuluko bosgarren atala aldatzea. Honela geratzen da idatzita:

Era berean, eta soilik lan poltsa aproposik ez badago, 2016rako enplegu publikoaren eskaintzaren deialdian (eta, bestela, 2007rako enplegu publikoaren eskaintzaren deialdian) ezarritako lehenengo ariketa egin bai baina gaintitu ez zuten pertsonengana jo ahal izango da, baldin eta gutxienez 3,75 puntu lortu bazuten ariketa horretan. Deiak puntuazio hurrenkerari hertsiki jarraituz egingo dira.

Hirugarrena. Maiatzaren 15eko 175/2015 Foru Arauan, zeinak Arabako Foru Aldundiko lan poltsak arautzen dituen, eranskineko zortzigarren artikuluan berdinketa desegiteko irizpide bat sartzea, lehendik daudenetako bosgarrenaren ondoren, oraingo seigarrena zazpigarren bihurtuz:

“6) Lehenengo ariketan ongi erantzundako galdera gehien izan duenaren alde.

7) Administrazio publikoetan lan egindako denbora luzeena egiaztatu duenaren alde, denbora hori lehiaketa aldian balioetsi beharreko merezimendua baldin bada deialdi bakoitzeko oinarri espezifikoen arabera.”

Laugarrena. Maiatzaren 15eko 175/2015 Foru Arauan, zeinak Arabako Foru Aldundiko lan poltsak arautzen dituen, eranskineko hamargarren artikuluan Arabako Foru Aldundiaren iragarki taulako argitalpena kentzea, eta orobat Enplegu atariaren helbidea eguneratzea: <http://www.araba.eus/PortalEmpleo/>.

Bosgarrena. Onartzen den egunaren hurrengoan jarriko da indarrean foru agindu hau, ALHAOn edonoiz argitaratzen dela ere.

Seigarrena. Foru agindu honen aurka administrazioarekiko auzi errekurtoa aurkeztu ahal izango da bi hilabeteko epean, argitaratu eta hurrengo egunetik aurrera, Gasteizko administrazioarekiko auzietarako epaitegian, edo, nahi izanez gero, berraztertze errekurtoa, hilabeteko epean, ebazpena eman duen organo berean. Hori guztia, uztailearen 13ko 29/1998 Legeak, administrazioarekiko auzibideen jurisdikzioa arautzen duenak, 46.1. artikuluan xedatutakoarekin bat etorritik, 39/2015 Legeak, Administrazio Publikoaren Administrazio Prozedura Erkidearenak, 123. artikuluan xedatutakoarekin lotuta.

Gasteiz, 2018ko apirilaren 11

Enplegu, Merkataritza eta Turismo Sustapenaren eta Foru Administrazioaren diputatua
CRISTINA GONZÁLEZ CALVAR